

NAKUPNI INDENT

Na osnovu člana 72 Zakona o javnim nabavkama Bosne i Hercegovine (Sl.glasnik BiH 39/14, a nakon provedenog Konkurentskog postupka nabavke robe : **BRUSNI I VARILAČKI ALAT MATERIJAL LOT 2033** za potrebe KJKP „GRAS“ d.o.o. Sarajevo sa sukcesivnom isporukom , zaključuje se

OKVIRNI SPORAZUM O NABAVCI ROBE : BRUSNI I VARILAČKI MATERIJAL LOT 2033
Između

1. KJKP «GRAS» d.o.o.Sarajevo, ul. Velika drveta br.1, koga zastupa Privremeni upravitelj Haris Gušić, s jedne strane / u daljem tekstu: Ugovorni organ/
- i
2. «ADEZAL» d.o.o. Sarajevo, Aleja Bosne Srebrene 21Broj sudskog registra 065-0-Reg Z-17-010188; ID BR 4200379970005 ; PDV broj 200379970005 R.RN.BR. 3383202251257004 UniCredit banka dd Sarajevo koga zastupa ,Ramo Bajrić, direktor, s druge strane /u daljem tekstu: Dobavljač/ .

Član 1.

Ovim okvirnim sporazumom ugovorene strane regulišu okvirna pitanja vezana za realizaciju nabavke robe **BRUSNI I VARILAČKI ALAT I MATERIJAL LOT 2033**

Član 2.

Predmet ovog sporazuma je sukcesivna nabavka robe **BRUSNI I VARILAČKI ALAT I MATERIJAL LOT 2033** od firme «**ADAZAL**» d.o.o. Sarajevo kojem je dodijeljen Okvirni sporazum Odlukom Ugovornog organa broj 05/198 od 15.03.208 godine.
Postupak nabavke proveden je po Konkurentskom postupku nabavke objavljenom na Portalu javnih nabavki 16.02.2018 godine.

Član 3.

Dobavljač se obavezuje da će Ugovornom organu isporučiti robu iz člana 1 ovog sporazuma, pod uslovima i jediničnoj cijeni kao što je dato u ponudi (Anex 2- Tehnički podaci elementi ponude) a koja čini njegov sastavni dio.
Vrijednost nabavke po ovom okvirnom sporazumu iznosi **25.761,54 KM** bez PDV-a odnosno **30.141,00 KM** sa PDV-om na godišnjem nivou
Način plaćanja : **45 dana od izdavanja fakture**

Član 4

Količine navedene u prilogu ovog sporazuma nisu obavezujući za Ugovorni organ, tako da isti zadržava pravo na promjenu količine i nabavku samo onih količina koje su mu potrebne.
Okvirni sporazum se zaključuje na period od jedne godine od potpisivanja Okvirnog sporazuma, odnosno maksimalne finansijske vrijednosti okvirnog sporazuma navedene u člana 3 stav dva sporazuma.

Član 5.

Dobavljač se obavezuje da će robu isporučivati Ugovornom organu fco skladište ugovornog organa u roku od **7 dana od prijema pismenog zahtjeva za isporuku robe koja je predmet ovog sporazuma**

Dobavljač će isporučivati, a Ugovorni organ preuzimati ugovorenu robu prema dispoziciji Ugovornog organa, a na temelju narudžbenice za određenu vrstu i količinu robe.

Član 6.

Kvaliteta robe mora odgovarati važećim propisima o kvalitetu robe u Bosni i Hercegovini.

Dobavljač daje garanciju na isporučenu robu 1 godinu

Dobavljač će obavezuje isporučivati rezervne dijelove kvaliteta i proizvođača kako je to naveo u obrascu Tehnički elementi ponude

Uz svu isporučenu robu Dobavljač se obavezuje dati odgovarajuće ateste ili certifikate ukoliko roba podliježe atestima i certifikatima.

Kvalitativni i kvantitativni prijem robe iz ovog sporazuma Ugovorni organ se obavezuje obaviti odmah po prijemu i istovaru robe. U slučaju da Ugovorni organ pri prijemu robe utvrdi da roba na bilo koji način ne zadovoljava, istu će odmah vratiti i tražiti isporuku nove u najkraćem mogućem roku.

U slučaju da Ugovorni organ naknadno utvrdi razliku u isporučenoj količini ili da kvaliteta ne odgovara Ugovorni organ će sačiniti komisijski zapisnik kojeg će najkasnije u roku tri dana dostaviti dobavljaču radi otklanjanja uočenog nedostatka.

Član 7.
Prilikom potpisivanja ovog okvirnog sporazuma ugovorne strane će zaključiti pojedinačne ugovore kojima će se regulisati prava i obaveze za realizaciju ovog okvirnog sporazuma. Pojedinačni ugovori obavezno će biti pod uslovima utvrđenim u tenderskoj dokumentaciji i prihvaćenoj ponudi. Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe Zakona o obligacionim odnosima.

Član 8.
Dobavljač je obavezan, prilikom potpisivanja okvirnog sporazuma, dostaviti bezuslovnu bankovnu garanciju naplativu na prvi poziv u iznosu od 2 % od ugovorene vrijednosti okvirnog sporazuma ili mjenicu sa rokom važnosti od dana zaključenja okvirnog sporazuma do isteka važenja okvirnog sporazuma +30 dana.
Ukoliko Dobavljač, u vrijeme potpisivanja okvirnog sporazuma, ne dostavi bezuslovnu bankovnu garanciju odnosno mjenicu iz stava 1 ovog člana, a sporazum se potpiše, primjenjivat će se odredbe člana 125 Zakona o obligacionim odnosima.

Član 9.
U okviru perioda važenja okvirnog sporazuma koji je naveden u članu 4 za pojedinačne nabavke neće se primjenjivati odredbe propisa kojima se uređuje postupak javne nabavke.

Član 10.
Cijene iz ovog sporazuma su nepromjenjive u toku važenja ovog sporazuma

Član 11.
Odredbe ovog okvirnog sporazuma ne mogu se mijenjati nakon njegovog zaključenja

Član 12.
Ovaj okvirni sporazum stupa na snagu nakon potpisivanja obje ugovorene strane. Ukoliko Dobavljač ne ispuní uslov vezan za garanciju za dobro izvršenje posla u roku regulisanom u tački 8 sporazuma smatrat će se da ovaj sporazum nije ni zaključen.

Član 13.
Sve eventualne sporove ugovorne strane će rješavati mirnim putem a ukoliko to nije moguće za rješavanje spora nadležan je Općinski sud u Sarajevu

Član 14.
Ovaj okvirni sporazum sačinjen je u četiri /4/ primjeraka, od kojih Ugovorni organ zadržava tri / 3/ ,a Dobavljač jedan /1/ primjerak .

ZA DOBAVLJAČA
DIREKTOR


Ramo Bajrić


Broj: _____
Datum: 10. 03. 2018.

ZA UGOVORNI ORGAN
PRIVREMENI UPRAVITELJ


Haris Gušić.

Broj: 5137
Datum: _____

29-03-2018

Jogo